



# সংসদে ২০১৭-এর বাজেট অধিবেশনের প্রথম পর্বের সমাপ্তি এবারের (২০১৭) বাজেট অধিবেশন গত ৩১ জানুয়ারি মঙ্গলবার শুরু হয় এবং সরকার কাজকর্মের প্রয়োজনীয়তার বিষয়টিকে বিবেচনায় রেখে আগামী ১২ এপ্রিল বুধবার পর্যন্ত চলবে

Posted On: 09 FEB 2017 1:20PM by PIB Kolkata

এবারের (২০১৭) বাজেট অধিবেশন গত ৩১ জানুয়ারি মঙ্গলবার শুরু হয় এবং সরকার কাজকর্মের প্রয়োজনীয়তার বিষয়টিকে বিবেচনায় রেখে আগামী ১২ এপ্রিল বুধবার পর্যন্ত চলবে। সংসদের উভয় সভার অধিবেশন ৯ ফেব্রুয়ারি থেকে আগামী ৮ মার্চ পর্যন্ত স্থগিত থাকছে। ৯ মার্চ থেকে অধিবেশনের দ্বিতীয় পর্ব শুরু হবে। ২৭ দিনের এই অবকাশকালীন সময়ে বিভিন্ন মন্ত্রক ও দপ্তরের পক্ষ থেকে যে অনুদান চাওয়া হয়েছে, তা নিয়ে সংশ্লিষ্ট মন্ত্রক ও দপ্তরের সঙ্গে যুক্ত স্থায়ী কমিটিগুলির বিচার-বিবেচনা করবে।

কেন্দ্রীয় সার ও রসায়ন এবং সংসদীয় বিষয়ক মন্ত্রী শ্রী অনন্ত কুমার জানিয়েছেন, এবারের বাজেট অধিবেশনের প্রথম পর্ব লোকসভায় মোট সাতটি বৈঠক এবং রাজ্যসভায় মোট আটটি বৈঠক হয়েছে। সময়ের সন্ধ্যাহরের দিক থেকে লোকসভায় ১১২.৬৫ শতাংশ ও রাজ্যসভায় ৯৬.৭৪ শতাংশ কাজকর্ম হয়েছে। সংসদের উভয় কক্ষের কাজকর্ম সৃষ্টিভাবে চালাতে সহযোগিতার জন্য শ্রী কুমার সমস্ত সদস্যের প্রশংসা করে আশা প্রকাশ করেন যে, বাজেট অধিবেশনের দ্বিতীয় পর্বেও সমস্ত সদস্যের কাছ থেকে একই রকম সহযোগিতা পাওয়া যাবে।

বাজেট অধিবেশন বছরের প্রথম অধিবেশন হওয়ায় রাষ্ট্রপতি সংবিধানের ৮৭ (১) ধারা অনুযায়ী গত ৩১ জানুয়ারি সংসদের উভয় কক্ষের যৌথ সভায় ভাষণ দেন এবং সদস্যদের অধিবেশন আয়োজনের কারণ সম্পর্কে অবহিত করেন। লোকসভায় রাষ্ট্রপতির অভিভাষণের ওপর ধন্যবাদ প্রস্তাব রাখেন ডঃ মহেশ শর্মা এবং এই প্রস্তাবকে সমর্থন জানান শ্রী বীরেন্দ্র সিং। রাজ্যসভায় রাষ্ট্রপতির অভিভাষণের ওপর ধন্যবাদ প্রস্তাব পাঠ করেন শ্রী রবিশঙ্কর প্রসাদ এবং প্রস্তাবের সমর্থন করেন ডঃ বিনয় পি. সহস্রবুদ্ধে। বাজেট অধিবেশনের প্রথম পর্বেই রাষ্ট্রপতির অভিভাষণ নিয়ে আলোচনাসহ এবং উভয় কক্ষেই ধন্যবাদ প্রস্তাব গৃহীত হয়।

অধিবেশনের প্রথম পর্বে ২০১৭-১৮-এর কেন্দ্রীয় বাজেট গত ১ ফেব্রুয়ারি বুধবার পেশ করা হয়। উভয় কক্ষেই বাজেট নিয়ে আলোচনা হয়েছে। সংসদে এবারের বাজেট অধিবেশনের প্রথম পর্বে পাঁচটি বিল পেশ করা হয়েছে। লোকসভায় দুটি বিল ও রাজ্যসভায় একটি বিল পাশ হয়েছে।

বাজেট অধিবেশনের প্রথম পর্বে সংসদে পেশ করা ও পাশ হওয়া বিলগুলি নিম্নরূপ :

লোকসভায় পেশ করা বিল -

- অর্থবিল, ২০১৭
- মঞ্জুরি প্রদান (সংশোধন) বিল, ২০১৭
- সুনির্দিষ্ট ব্যাঙ্ক নোট (দায়িত্ব পরিহার) বিল, ২০১৭
- ইন্ডিয়ান ইনস্টিটিউটস অফ ম্যানেজমেন্ট বিল, ২০১৭
- আইন বাতিল ও সংশোধন বিল, ২০১৭

লোকসভা ও রাজ্যসভায় পাশ হওয়া বিল-

- মঞ্জুরি প্রদান (সংশোধন) বিল, ২০১৭ এবং
- সুনির্দিষ্ট ব্যাঙ্ক নোট (দায়িত্ব পরিহার) বিল, ২০১৭

(Release ID: 1482654) Visitor Counter : 2

## Background release reference

৯ মার্চ থেকে অধিবেশনের দ্বিতীয় পর্ব শুরু হবে। ২৭ দিনের এই অবকাশকালীন সময়ে বিভিন্ন মন্ত্রক ও দপ্তরের পক্ষ থেকে যে অনুদান চাওয়া হয়েছে, তা নিয়ে সংশ্লিষ্ট মন্ত্রক ও দপ্তরের সঙ্গে যুক্ত স্থায়ী কমিটিগুলির বিচার-বিবেচনা করবে

